



SAKSFRAMLEGG

Sakshandsamar: Reidun Marie Lillebø	Arkivkode: FA-K54
Arkivsaksnr: 23/819	Løpenr: 23/9902
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret		

Kontaktpersonar til vassområdeutvalet for Vest vassområde 2023-2027

Rådmannen sitt framlegg til vedtak:

Samnanger kommune sin politiske representant til vassområdeutvalet for Vest vassområde vert for perioden 2023-2027 ordførar Karl Bård Kolbotn. Vararepresentant vert varaordførar Arild Røen.

Dokument som er vedlagt:

Kontaktpersonar frå kommunane til vassområdeutvala i Vestland vassregion 2023-2027

Bakgrunn for saka:

Etter kommune og fylkestingsvalet i 2023 er det behov for å velje nye kontaktpersonar til vassområdeutvala i Vestland. Kommunane har vore representert i vassområda med ein politisk vald person og ein administrativ kontaktperson. Kommunane har mange oppgåver og verkemiddel knytt til vassforvaltning og er med på å nå god miljøtilstand i alle vassdrag, fjordar og langs kysten. Vassforskrifta krev at det vert utarbeidd ein regional vassforvaltningsplan med tilhøyrande tiltaksprogram og oppdaterer denne kvart 6. år. Kommunane er ansvarleg for å følgje opp gjeldande vassforvaltningsplan for Vestland 2022-2027 innanfor sine ansvarsområde. Oppdatert vassforvaltningsplan vil liggje føre innan utgangen av 2027. Vestland fylkeskommune har det koordinerande ansvaret for å utarbeide plandokumenta for Vestlandvassregion. Vestland vassregionen er delt inn i vassområda Nordfjord, Sunnfjord, Ytre Sogn, Indre Sogn, Nordhordland, Voss- Osterfjorden, Hardanger, Vest og Sunnhordland. I kvart vassområde er det etablert eit vassområdeutval leia av ein kommune i vassområdet. Kvar kommune har vore representert med ein politisk kontaktperson og ein administrativ kontaktperson i vassområdeutvalet. Samnanger kommune høyrer til under vassområde Vest. Den administrative kontaktpersonen

koordinerer arbeidet med vassforvaltning i sin kommune innan avløp, landbruk, plan med meir.

Vurderingar og konsekvensar:

Fylkeskommunen rår til at kommunane sin politiske representant vert ordføraren, med grunngjeving i å få så god lokal forankring som mogleg. Administrasjonen ser ingen grunn til å leggja fram framlegg om noko anna. Me rår til at varaordføraren vert vararepresentant.

Administrativ kontaktperson er rådgjevar for klima og miljø, Reidun Marie Lillebø.